

NAPASULIAQ
ALAPERNAARSUIFFIK
JEHOVA NAALAGAAFFIANIK TUSARLIUSSISOQ



**BIIBILI
ILISIMATUSARNERMIT
TAARSERNEQARSIMAVA?**

NAPASULIAQ ALAPERNAARSUIFFIK Jehovamik Guutimik qilammi nunamilu Naalagaasumik ataqqinarsitsivoq. Guutip naalagaaffiata qilammiittup qanittukkut ajussut-simik suujunnaarsitsinissaa nunarsuarmilu paratisinngortitsinissaa pillugit nutaarsiassa q nuannersoq atuartartunut tuppallersaataavoq. Jiisusip Kristusip, uagut naassaanngitsumik inuulersinnaaqulluta inuunerminik pilliutiginnittup Guutillu naalagaaffiani maanna kunngiusup, upperfiginearnissaa kajumissaarutigineqarpoq. Atuagassiaavoq Jehovah Nalunaajaasunit 1879-imiilli saqqummersinneqartuursimasoq politikkimullu tunnganngitsoq. Biibili tamatigut tunngavigineqartarpoq.

Paasisaqarnerorusuppit,
imaluunniit akeqanngit-
sumik Biibilimik atuaqqis-
saaqatigineqarusuppit?

www.jw.org alakkaruk,
noqqaassutilluunniit uunga
nassiuguk:

Jehovap Nalunaajaasui
Stenhusvej 28
4300 Holbæk
Danmark

(DANMARKIMUT, ISLANDIMUT, KALAALLIT
NUNAANNUT, NORGEMUT, SAVALIMMIUNUT
SVERIGEMULLU atuuppoq).

Nunarsuaq tamakkerlugu adressit uani takune-
qarsinnaapput: www.jw.org/kl/attavigisigut.

Atuagassiaq una tuniniarneqassanngilaq. Nunarsuarmi tamarmi Biibili pillugu ilinniartitsinermut nammineq kajumissutsimit tunissuteqarnikkut ingerlanneqartumut atatilugu saqqummertarpoq. *Biibili* (2000-mi naqitigaq) atornerqartarpoq. © Det Danske Bibelselskab. Nutsikkat allat atornerqaraangata innersuussinerup kingorna 1990-imik, 1900-mik (Kleinschmidt, *tastamantitokak*), 1936-mik (Kleinschmidt, *tastamantitak*) imaluunniit NW-mik (*New World Translation of the Holy Scriptures*) allassimasarpoq. Biibilimit issuaanerit ilaanni naqinerit ilaat erseqqissaattut uingasunnngortinneqartarput.

The Watchtower (ISSN 0043-1087) is published semi-monthly by Watchtower Bible and Tract Society of New York, Inc.; L. Weaver, Jr., President; G. F. Simonis, Secretary-Treasurer; 25 Columbia Heights, Brooklyn, NY 11201-2483. *Napasuliaq Alapernaarsuffik* (ISSN 0908-2557) Danmarkimi ukunannga saqqummersinneqartarpoq: Vagtårnens Bibel- og Traktatselskab, Stenhusvej 28, 4300 Holbæk. Akisusaasoq: Erik Jørgensen. Druck und Verlag: Wachtturm Bibel- und Traktat-Gesellschaft der Zeugen Jehovas, e. V., Selters/Taunus. Verantwortliche Redaktion: Ramon Templeton, Selters/Taunus. Periodicals Postage Paid at Brooklyn, NY, and at additional mailing offices. **POSTMASTER:** Send address changes to Watchtower, 1000 Red Mills Road, Wallkill, NY 12589-3299. © 2015 Watch Tower Bible and Tract Society of Pennsylvania. Printed in Germany.

SAMMISAQ PINGAARNEQ

Biibili ilisimatusarnermit taarserneqarsimava? QUPP. 3-7

Ilisimatusarnerup sunniutai 3

Ilisimatusarnek killeqarpoq 6

ALLAASERISAT ALLAT

Kristusimik akerartuisoq kinaava? 8

Biibili inuit inuunerannik allannguisitsisarpoq

Paasivara Jehovah nallittuisuullunilu
isumakkeerfiginnittuusoq 10


Uppersusiat maliguk

“Uanga Guutiusoraasinga?” 12

Apeqqutit Biibilimi akineqartut 16



NITTARTAGARPUT ALAKKARUK



APEQQUTIGINEQARTARTUT

**Sooq Jehovah Nalunaa-
jaasuisa inuit allamik
upperisaqareersut
pulaartarpaat?**

(Tuukkit UAGUTSINNUT TUNNGASUT >
APEQQUTIGINEQARTARTUT)

ATUAGASSIAQ UNA
DOWNLOADERNE-
QARSINNAAVOQ



Ilisimatusarnerup sunniutai

Ujarlerfissiaq naapertorlugu ilisimatusarnerq tassaa-voq "aaqqissuussaasumik nakkutiginninnikkut, misileraanikkut uuttuinikkullu nunarsuup avataarsuullu qanoq innerannik periuseqarnerannillu misissueqqissaarneq". Suliaq tamanna pisariullunilu pakatsinarsinnaavoq. Ilisimatuut sapaatit-akunnerini, qaammatini allaallu ukiuni arlalinni ilungersorlutik misileraasarlutillu nakkutiginnittarput. Ilaanikkut inerniliisinnaaneq ajorput, amerlanertigulli inuiannut iluaqutaasunik paasisaqqartarput. Assersuutissat amerlanngitsut sammeriartigit.

Europami suliffeqarfimmit milluaat plastikkeq ninngusooq sorujuaallu nutaaliaalluinnartoq ineriartortinneqarsimavoq, taanna atorlugu inuk naparsimalernani imermik mingutsinneqarsimasumik imersinnaavoq. Milluaat taamaattoq pinngortitami ajunaarnersuaqartillugu, soorlu 2010-mi Haitimi nuna sajummat, atorreqarpoq.

Ullumikkut avataarsuani qaammataasiat iluaqutigalugit Global Positioning System (GPS) ineriartortinneqarsimavoq. Aallaqqaammuit sakkutuumut atugassatut sananeqarpoq, ullumikkulli biilerut, timmisartortartut, umiartortut allaallu piniartut ungasissumullu pisuttuuartartut iluaqutigisarpaat. GPS-imik ineriartortitsisimasut pissutigalugit ornitatsinnut apuunnissarput ajornannginnerulerpoq.

Mobili, qarasaasiaq internetiluunniit atortarpiuk? Nakorsaat nutaaliaq atortarakku peqqinnerulernikuuit imaluunniit peqqissinikuuit? Timmisarlorlutit angalasarpit? Taamaappat ilisimatusarne-

rup inuiannut iluaqutissartaasa ilaat atorluartarpat. Ilisimatusarnerq ilinnut sunniuteqarluarsimavoq.

ILISIMATUSARNERUP KILLEQARNERA

Nalitsinni ilisimatuut paasisaqqarnerujumallutik pinngortitarsuarmik misissueqqissaarsimapput. Atomfysikerit atomip sannaanik misissueqqisaartarput astrofysikerillu nunarsuup avataarsuullu qanoq pilersimanagerat paasiniaarlugu ukiut milliardit matuma siorna pisimasut paasiniartarpaat. Ilisimatuut ilaat ilungersorlutik misissuinerminnut, aamma takussaannngitsunut tikiqqarsinnaanngitsunullu, tunngatillugu oqartarput Guuti Biibilimi eqqaaneqartoq piuppat nassaarineqarsinnaassasoq.

Ilisimatuut isumaliutersortartullu nuimasut ilaasa tamanna naammaginngilaat. Taakkua ilisimatooq atuakkiortorlu Amir D. Aczelip "Guutip piunerata ilisimatusarnikkut uppersarnerqarsinnaannginneranik" oqarsimanera tapersertarpaat. Assersuutigalugu fysikeri tusaamasaaq oqarsimavoq "Guutip, nunarsuarmi avataarsuanilu pingaarteqarlunnartup, piuneranut uppersaateqannginnera piunnginneranut uppersaataasooq". Allat Biibili naapertorlugu Guutip iliuusii "angakkuarnertut" aamma "nassuiaatissaqanngitsutut" oqaatisarpaat.*

* Oqaluffimmi itsaq nalitsinnilu, soorlu nunarsuup avataarsuani qitiuneranik imaluunniit Guutip ullut arfinillit 24 tiiminik si-visussuillit atorlugit nunarsuarmik pinngortitsimaneranik, ajogersuutit pissutigalugit inuit ilaasa Biibili upperineq ajorpaat. – Takuuk ungalusaq "Biibili ilisimatusarnikkullu uppersaatiit".

Apeqquilli una akineqartariaqarpoq: Ilisimatuut pinngortitarsuaq pillugu ima ilisimasaqartigippat inaarutaasumik inerniliisinnaallutik? Naamik. Ilisimatusarnikkut siuariartoqangaarsimavoq, ilisimatoorpassuilli nassuerutigaa paasisimanngisavut immaqalu paasinngisaannagassavut amerlasooru-jussuusut. Fysikeri Nobelimillu nersornaaserneqar-simasoq Steven Weinberg pinngortitarsuarmut tunngasut paasisavut pillugit ima oqarpoq: "Iternge tikillugu misissuisinnaanngilavut." Professori Martin Rees, Tuluit Nunaanni Astronomer Royaleq, ima allappoq: "Suut tamaasa paasisinnaagunanngilagut." Tassa pinngortitarsuarmi pinngoqqaatit, cellemiit avataarsuanut, nalitsinni ilisimatusarneq iluaqutigalugu sulii paasisinnaanngilavut. Uku assersuutigiinnarsinnaavavut:

● **Biologit celleni uumasusilinni pisartut tamakkiisumik paasisinnaanngilaat. Cellet qanoq nukimmik tigooraasarnersut, qanoq proteini-liortarnersut qanorlu marlunnut avittarnersut sulii ilisimatusarnikkut tamakkiisumik akineqarsinnaanngillat.**



● **Nunap nutsuinerata sekundit tamarluinnaasa sunnertarpaatigut. Taamaattorli fysikerit iluamik paasisinnaanngilaat. Pissikkaangavit qanoq nunamut toqqittarnersutit imaluunniit qaammat qanoq nunarsuarmik kaaviiaarisinnaanersoq tamakkiisumik ilisimaneqanngilaq.**



● **Kosmologit missingerpaat nunarsuup avataarsuullu pinngoqqaataasa 95 procentii ersinngitsut ilisimatuulluunniit atortorissarutaat iluaqutigalugit nasaarineqarsinnaanngitsut. Taakku marlunnut, sana-neqaatinut taartunut nukimullu taartumut, immikkoortittarpaat. Qanorpiarli paasariaqarnersut sulii ilisimaneqanngilaq.**



Ilisimatuut aamma allat assigiinngitsorpasuit paatsiveerussutigaa. Sooq tamanna pingaaruteqarpa? Ilisimatooq nuannarineqartoq ima allappoq: "Ilisimanngisavut ilisimasatsinnit amerlanerujussuupput. Ilisimatusarneq uungaannaq isigilissutaa-neq ajorpoq, kisianni ajasoornarlunilu ilinniarusulernarpoq."

Isumaqaruit ilisimatusarneq Biibilimik Guutimillu upperinninnermik taarsiiartulersoq taava uku eqqarsaatigikkat: Ilisimatuut pikkorissut uuttuutit pitsaasut atorlugit pinngortitarsuaq pillugu killilimmik paasinnissinnaappata taava silatusaarnerussava ilisimatuut paasisinnaanngisaat tamaasa ajattussallugit? Ullorissanik ilisimatusarnerup oqaluttuassartaa ineriartorneralu pillugu allaaserisap takkajaap nag-gataatungaani *Encyclopedia Britannica* ima eqqortumik inerniliivoq: "Ukiut 4000-t missaanni ullorissanik ilisimatusareeraluarluta avataarsua pillugu Babylonimiunit paasisaqarnerungaanngilagut."

Tamatumunnga tunngatilugu Jehovah Nalunaa-jaasuisa inuup nammineq aalajangiisinnaatitaanera ataqqivaat. Biibilimi siunnersuut una maleruarniartarparput: "Qanilaarsusersi [Ingasaassinianngitsuu-nersi, NW] ilisimaneqalerli inunnit tamanit." (Filippimiut 4:5) Tamanna eqqarsaatigalugu ilisimatusarnerup Biibilillu imminnut qanoq ataqatigiin-nerat naapertuunnerallu misissoqqullugu kajumis-saarpatsigit.

Biibili ilisimatusarnikkullu uppernarsaatit

Biibili ilisimatusarnikkut ilinniutaanngilaq. Tassanili nalitsinni ilisimatuut soqutigisariaqagaannik allassimasoqarpoq. Uku assersuutigisinnaavavut.



Nunarsuup avataarsuullu pisoqaassusaat

Ilisimatuut missingerpaat nunarsuaq ukiunik 4 milliardinik pisoqaassuseqartoq avataarsualu

ukiut 13 aamma 14 milliardit missiliorlugit matuma siorna piulersoq. Qanga avataarsua pinngortinneqarnersoq Biibilimi eqqaaneqanngilaq. Allassimanngilaq nunarsuaq tuusintialunnik pisoqaassuseqartoq. Biibilimi oqaaseqatigiit siulliit ima aallartipput: “Pileqqaarneranni Guutip qilak nunalu pinngortippai.” (1 Mosesi 1:1) Allassimaffimmit erserpoq ilisimatuut ilisimatusarnikkut najoqqutassiat tunngavigalugit nunarsuup pisoqaassusia aalajangersarsinnaagaat.



Nunarsuaq inunnit najugaqarfigineqartussanngorlugu piareersarneqarpoq

Nunarsuup uumassusilinnit assigiinngitsunit najugaqarfigineqar-

sinnaanngorlugu piareersarneqarnerani piffiit assigiinngitsut ersersinniarlugit Mosesimik allakkat siullerni kapitali 1-im oqaaseq “ullut” ator-neqarpoq. Tamatumalu kingorna inuit pinngortinneqarput. “Ullut” taakku arfinillit qanoq sivilutiginersut Biibilimi eqqaaneqanngilaq. Paarluttuanilli ilisimatuut taakkuninnga misissueqqissaar-nissaannik qanorpiarlu sivilutiginerannik oqaatiginninnissamut Biibili periarfissiivoq. Nalunngilarput “ullut” 24 tiiminut sivilunerujussuusut.



Nunarsuaq qanoq ‘nivinngarneqartoq’

Biibilimi allassimavoq ‘nuna soqanngitsup qulaani nivingasoq’. (Jobi 26:7) Allassimanngilaq, it-

saq oqaluttuatoqqani nuannarineqartuni eqqaaneqartutut, nunarsuaq inorujussuarmit nammaneqartoq imaluunniit nagguaatsup saani-luup qaleruaani nikorfasup qatigaaniittoq. Paarluttuanik Biibili ilisimatuut misissueqqissaarnissaannut periarfissiivoq. Nicolaus Kopernicusip aamma Johannes Keplerip planetit nukimmit takussaanngitsumit qanoq seqerngup eqqaani angalatinneqartartut allaatigaat. Kingusinnerusukkut Isaac Newtonip nunap nutsuinerata qanoq ullorissat planetillu aquttarai ersersippaa.



Nappaatit eqqiluisaarnerlu pillugit malittarisassat

Mosesimik allakkat pingajuini Israelikkut nappaatinut tuniluuttunut qanoq imminnut illersorsin-

naasut inuillu nappaatillit immikkoortinneqasasut allaatigineqarpoq. Eqqiluisaarnermut tunngatillugu Mosesimik allakkat tallimaat 23:13, 14-imilu Israelikkut peqquneqarput ‘tammaarfi-up avataani nunamik assaariarlutik annatik ma-toortassagaat’. Aatsaat ukiuni 200-ni kinguller-ni ilisimatuut nakorsallu taamatut nappaatit siaruaannissaannik pinaveersaartitsinissap pisari-aqarnera nassuerutigisalersimavaat.

Paasissutissat Biibilimeersut atuariikkatit ukiut hundredilippassuit matuma siorna allanneqarput. Qanoq Biibilimik allattut paasissutissat eqqoqqissaartut, taamani qaffasissumik ilinniagallit ilisimanngisaat, nalunnginnamikkitt? Biibilimik atuakkiortoq ima akivoq: “Soorlumi qilak nunamit qutsinnerusoq, taama aqutigisakka ilissi aqutigisassinnit qutsinnerupput pilersaarutikkalu pilersaarutissinnit qutsinnerullutik.” – Esaja 55:9.



Ilisimatusarneq killeqarpoq

Qanittukkut atuakkat inuit guuteqannginneraasut nutaanik taaneqartartut isumaannik imallit saqqum-merput. Atuakkat taakku inuppassuarnit soqutigi-neqarlutillu oqallisigineqangaatsiarput. Tamatumunnga tunngatillugu sianiutinik ilisimatusartoq David Eagleman ima allappoq: “Atuartut ilaat ... isumaqarput ilisimatuut suut tamaasa paasisimagaat.” Imalu nangippoq: “Pitsaasumilli ilisimatusarumal-luni isummiussereernani sulisoqartariaqarpoq, ilisi-matusarnerullu oqaluttuassartaa tupaallannartunik ulikkaarpoq.”

Oqaluttuarisaanerup ingerlanerani ilisimatuut pinngortitamut tunngatillugu apeqqutinit akiumi-naatsunut akissutissarsiornerminni tupaallannartu-nik paasisaqarsimapput. Ilisimatuulli ilaat aamma kukkorujussuarsimapput. Isaac Newton ilisimatuut inuusimasut annerpaartaasa ilagaat. Taassuma up-fernarsarpaa nunap nutsuinerata nukingata avataar-suani planetit, ullorissat galaksellu ataatsimoortit-tarai. Naatsorsueriaaseq differentialregningimik taa-neqartartoq – qarasaasialiornermut, avataarsuali-arnermut kernefysikimullu atorreqartartoq – tun-ngavilerpaa. Newtonili aamma ilisimatusarneq pivi-unngitsoq alkymi, ulloriarsiorneq angakkuarniarner-lu atorlugit aqerlumik saviminernillu allanik kuultin-gnortitsiniarneq, atorlugu misissuisarpoq.

Newtonip inunngornera ukiunik 1500-nik amer-lanerusunik sioqqullugu grækerip ulloriarsiuup Ptolemaiosip qilak qimerluuginnarlugu misissor-paa. Unnukkut planetit ingerlaarnerat nakkutigalugulu nunap assinganik titartaallaqqippoq. Nunar-suulli sunut tamanut qitiunera upperaa. Astrofysike-

ri Carl Sagan Ptolemaios pillugu ima allappoq: “Nu-narsuup avataarsuani qitiusumik inissisimaffeqarne-ranik oqartarnera ukiuni 1500-ni upperineqarpoq, tamannalu silassorinnerup ilumoortumik oqalunnis-samut qulakkeerutaannginneranik eqqaasitsivoq.”

Nalitsinni ilisimatuut aamma tamatumunnga as-singusumik unamminiagassaqarput. Avataarsua-nut tunngatillugu naammaginarluinnartumik nas-suaatissarsissappat? Ilisimatusarnikkut siuariartor-toqarnera ilisimatuulli suliaannik iluaqutiginninner-put nassuerutigisariaqarparput. Aammali pingaa-ruteqarpoq ilisimatusarnerup killeqarnerata eqqaa-manissaa. Fysikeri Paul Davies ima oqarpoq: “Ava-taarsuanut tunngatillugu tamatigoortumik ataqati-giulluinnartumillu nassuaatissarsiorneq ajornarluin-narpoq.” Oqaatsit taakku ilumoortumik assortorne-qarsinnaanngitsumik tapersiippat: Uagut inuit pin-ngortitarsuaq tamakkiisumik paasisinnaanngilarput. Taamaattumik pissusissamisuginnassaaq ilisimatu-sarnerup sunut tamanut tunngatillugu akissutissa-qarneranik oqartartut nangaanartoqartittarutsigit.

Pinngortitarsuup alutornartui Biibilimi ima allaa-tigineqarput: “Takuat, tamakku tassa suliaasa ilami-niinnaat, isussunnertut nipeqarlutik tusarsaasut.” (Jobi 26:14) Assigiinngitsorpassuit inuit paasi-sinnaanngisaat suli misissuiffigineqarsimanngillat. Nassuerutigisariaqarparput apustilip Paulusip ukiut 2000-ngajaat matuma siorna uku allagaasa ilumoor-nerat: “Ilami Guutip pisuussusiata ilisimassusiatu-lu siuneqassusiatu itissusiat! Ilami eqqartuussinerisa paasinianeq ajornassusii aqputaasalu siunersissaan-gissusii!” – Romamiut 11:33. ■

Siunnersuutitsialaat ilisimatusarnikkut pissarsiarineqarsinnaangitsut

Ilisimatusarneq iluaqutigalugu pinngortitarsuaq pillugu ilisimasaqalersinnaavugut, Biibilimili najoqqutassiat siunnersuutillu inoqatitsinnik eqqisseqateqarnissamut, pilluarnissamut nalerisimaarnissamullu iluaqutigisinnaasavut allassimapput. Uku eqqarsaatigikkit.



Pinerlunermik pitsaaliuineq

Inuuneq mianeriuk

“Inuassanngilatit.”

– 2 Mosesi 20:13.

“Kinaluunniit qatanngumminik uumiginnittoq toqutsisuuvoq.”

– 1 Johannesi 3:15.

Eqqisseqateqarit eqqisseqatigiitsigillu

“Ajortoq nigorsimassavat ajunngitsuliorlutillu, eqqissineq ujassavat piniarlugulu.”

– Tussiaat 34:15.

“Iluarneq eqqissinermi siaruartikkat inerititaraat, eqqissisitsisullu pisassaraat.”

– Jaaku 3:18.

Nakuuserneq ingalassimajuk

“Naalakkap iluortoq iluanngitsorlu misissuiffigai, nakuusernemi nuannarisartoq uumigaa.” – Tussiaat 11:5.

“Nakuusertoq sinngageqinagu, tumai atuallanniaqinagit.

Tunussisormi Naalakkamut

maajunnartuuvoq.”

– Ussatit 3:31, 32.



Ilaqutariittut pilluarneq

Angajoqqaatit naalakkit

“Qitornaasusi, angajoqqaasi naalassigit Naalakkami, tamanna iluarmat. ‘Ataatat anaanallu ataqqikkit!’ Tassa inassut neriorsuutitalik siulleg: ‘atugarissaaqqullutit inuummersoqqullutillu nunami.’”

– Efesosimiut 6:1-3.

Qitornatit ilinniartilluakkit

“Qitornasi kamatseqinasigit, perorsarsigilli anusinngorsartarlugit oqaaqqissaartarlugillu Naalakkamit pisumik.”

– Efesosimiut 6:4.

“Qitornasi narrassaassanngilasi qunulleqqunagit.”

– Kolosseimiut 3:21.

Aappat asallugulu ataqqiuk

“[Ilississaaq] tamassi immik-kut nuliasi immissisut assussaavasi, nuliaasullu uini mianerisussaaavaa.”

– Efesosimiut 5:33.



Pinngortitamik eriaginninneq

Itsaq Israelimi assigiinngitsutigtut mingutsitsinermut pisuusut pillugit Biibilimi ima allasimasaoqarpoq: “Nunarsuaq inumminit nalinginnaatitaasimavoq, ... inuisalu pillaatissi-assartik atussavaat.” (Esaja 24:5, 6) Innimittaallutik avatangiisinik mingutsitsisut Guutimit akisussaatinneqassapput. ‘Nunarsuarmik aseruisut aserussavai.’ (Saqqummersitat 11:18) Pillarneqanngitsuus-sanngillat.

Ersarippoq
pisariaqartitavut
ilisimatusarnikkut
matussusersin-
naanngisavut
Biibilimi matus-
suserneqartut

Kristusimik akerartuisoq kinaava?

- Filmi qiaammernarteq *Antichrist*-imik qulequtalik.
- Nipilersortartut nuannarineqartut nuusiaat *Antichrist Superstar*-imik qulequtalik.
- Friedrich Nietzschep 1800-kkunni isumaliutersortartup atuakkiaa *Antikrist*-imik qulequtalik.
- Ukiuni akullerni kunngit naalakkersuisullu akerlilersortitik Kristusimik akerartuisutut taasaat.
- Martin Lutherip, tyskip iluarsaaqqinnermi siulersuisup, katuullit paavii Kristusimik akerartuisutut taasai.

TAAGUUT “Kristusimik akerartuisoq” assigiinngitsunut, soorlu naalakkersuisunut isiginnaagassianullu, taaguutitut atorpeqartarmat ima aperinissaq pissusissamisoorpoq: Kristusimik akerartuisoq kinaava? Taaguut taanna ullumikkut pingaaruteqarpa? Kristusimik akerartuisoq Biibilimi talimariarluni eqqaaneqarmat taassuma kinaassuser-siniarnerani Biibilimik misissuinissaq pissusissami-suusaaq.

KRISTUSIMIK AKERARTUIISOQ QULAAARNEQARPOQ

Apustilip Johannesip Biibilimik allaqataasuni ki-siartaalluni taaguut “Kristusimik akerartuisoq” ator-paa. Taanna qanoq allaatigaa? Johannesip allagaani siullerni oqaatsit uku maluginiakkit: “Qitornaasusi, tassa nalunaaquttap-akunnera kingulleq; soorlu-mi tusarsimagissi Kristusimik Akerartuisoq tikiuk-kumaartoq, maanna Kristusimik akerartuisut amer-lasuut takkussimapput; tamatumuuna nalunngilar-put tassaasoq nalunaaquttap-akunnera kingulleq. Uatsinnit pisuugaluarpur, uagulli ilaginngilavut. ... Sallutuujusoq kinaava, taannaanngikkuni Jiisusip Kristusiuneranik miserratiginnittoq? Taanna Kris-tusimik Akerartuisoq tassa Ataamik Ernermillu miserratiginnittoq.” – 1 Johannesi 2:18, 19, 22.

Allassimaffiit taakku qanoq ilinniartigaavut? Jo-hannesip “Kristusimik akerartuisut amerlasuut” eqqaagamigit erserpoq Kristusimik akerartuisoq inummut ataatsimut assersuutaanani inunnut eqi-mattanut assersuutaasoq. Inuit peqatigiiffiillun-

niit Kristusimut akerartuisumut assersuutaasut sal-luliutitik siaruartertarpaat, Jiisusip Kristusiunera, imaluunniit Missiarsiuunera, upperinngilaat aamma Guutip erneratalu, Jiisusip Kristusip, attaveqatigiin-nerat pillugu salluliortarlutik. Kristusimut akerartu-isumut assersuutaasut Kristusiunerartarput taassu-munngaluunniit sinniisuunerarlutik. ‘Uagutsinnil-li pisuugamik’ Biibilimi ilinniartitsissutigineqartu-nik maleruajunnaarsimapput. Tamatuma saniati-gut ‘nalunaaquttap-akunnerani kingullermi’, tassa piffissami apustilit inuuffigisaasa naggataatungaa-ni, Johannesip allakkani allammagit inuit taakku inuupput.

Johannesi Kristusimik akerartuisumut tunngatil-lugu qanoq aamma allappa? Allakkami aappaan-ni pruffiitioqqusersut eqqartoramigit ima allap-poq: “Peqquserluttummi silarsuarmut aallarsima-sut amerlaqaat; taakku tassaapput Jiisusip Kristu-siuneranik, uinikkut tikiunneranik, nassuerutigin-ninngitsut. Taanna tassaavoq peqquserluttoq Kris-tusimillu akerartuisoq.” (2 Johannesi 7) Inuit Jii-susi Kristusi taassumalu ilinniartitsissutai pillugit piaaralutik salluliortut Kristusimik akerartuisumut assersuutaanerat Johannesip paasisimagaa ersarip-poq.

‘PRUFFIITIOQQUSERSUT’ AAMMA “INATSISAATSUUNERUP INUTTAA”

Johannesip upperisarsiornikkut tammartitsiniar-tunik allaatiginninnera sioqquterujussuarlugu Jii-susip Kristusip ajoqersukkani ima siunnersorpai:

Inuit Jiisusi Kristusi taassumalu ilinniartitsissutai pillugit piaaralutik salluliortut Kristusimik akerartuisumut assersuutaanerat Johannesip paasisimavaa

“Pruffiitioqqusersunut mianersoritsi; taakkua savatut atisaqarlutik ornittarpaasi, ilumikkulli amaruupput kiisortut.” (Matthæusi 7:15) Taamatuttaaq apustilip Paulusip Thessalonikami kristumiut ima mianersoqquai: “Nakutitaanaveeritsi qanoq ittunilluunniit. [Jehovammi ullussaata nalliutinnginnerani nalliuteqqaartussaavoq] tunussineq saqqummersinneh qassallunilu inatsisaatsuunerup inuttaa, tammarnerup ernerana.” – 2 Thessalonikamiut 2:3.

Kristumiut siulliit nalaannili pruffiitioqqusersut tunussisullu kristumiut ilagiivinik sanngiillsitsiniarlutik aallartereersimapput. Jiisusi Kristusi taassumalu ilinniartitsissutai pillugit salluliortut upperisarsiornikkullu tammartitsiniarnermut ilaasut tamarmik taaguummi Johannesip atugaani ‘Kristusimik akerartuisumi’ pineqarput. Paulusip taakku ‘tammarnarup erneranik’ taammagit Jehovap taakku pillugit isumaa ersersinneqarpoq.

NALITSINNI KRISTUSIMIK AKERARTUISOQ MIANERSORFIGIUK

Nalitsinnimi? Inuit peqatigiiffiillu Kristusimik akerartuisumut assersuutaasut sulii Kristusimik taassumalu ilinniartitsissutaanik akerlilersuipput. Ataataq, Jehovap Guutip, erneratalu, Jiisusip Kristusip, kinaassusaannut tunngatillugu paatsiveerutitsiniarlutik piaaralutik salluliortarlutillu tammartitsiniartarput. Upperisarsiornikkut tammartitsiniartut taakkua mianersorfiginissaannut pissutis-saqarluarpugut. Assersuutit marluk sammeriartigit.

Ukiuni hundredilinni oqaluffiit Ataataq Ernerlu assigiinnerarlugit ataasiullunilu pingasuussutsimik ajoqersuut ilinniartitsissutigisimavaat. Kristusimik akerartuisoq taamaasilluni Jehovap Jiisusillu Kristusip kinaassusaat paasiuminaatsunngortissimavai. Tamannalu pissutigalugu inuit eqqortuliorusuttut Jiisusimik Kristusimik ilaarsinissamik Guutimullu qanillinnissamik Biibilimi kajumissaarutigineqartut maleruarnissaannut akornuserneqarput. – 1 Korinthimiut 11:1; Jaaku 4:8.

Biibilimik nutserinermi Guutip aqqanik, Jehovahmik, atuisannginnissamik tapersersuinikkut oqaluffiit paatsiveerutitsinerulersimapput. Taamaaliortarput Jehovap aqqa Biibilip allassimaqqaarfiini 7000-t sinnerlugit allassimagaluartoq. Tamanna qanoq kinguneqarpa? Guutip kinaassusivia paasiuminaannerulerpoq.

Guutilli aqqanik, Jehovahmik, ilisimanninneq inuppasuit eqqortuliorusuttut Guutimut qanillinnissaminnut iluaqutigaat. Richardimik atillip tamanna misigaa. Jehovap Nalunaaajaasuunik marlun-nik oqaloqateqarnini ima oqaluttuaraa: “Guutip ilu-moortup Jehovahmik ateqarnera Biibilimi takutip-paat. Guutip ateqarnera tusarsimanngisaannarak-



Pruffiitioqqusersut “savatut atisaqarlutik” saqqummerumaanerat Jiisusip mianersoqqus-sutigaa

ku ajasoorutigaa.” Taamanimiilli najoqqutassiat Biibilimeersut maleruarsinnaajumallugit Jehovahmil-lu iluarisaasinnaajumalluni inooriaatsini allanngor-tippaa. “Guutip ateqarneranik ilinniarnera qanittu-mik attaveqarfiginissaanut iluaqutigaa.”

Ukiuni hundredilinni Kristusimik akerartuisup inuit millionillit anersaakkut taarsiortissimavai. Guutip oqaasiata, Biibilip, atuaqqissaartarneratigit Kristusimik akerartuisup kinarpiaanera taassumalu upperisarsiornikkut salluliutaanit tammartitsiniu-taanillu qanoq aniguisinneqarsinnaanerput ilinni-arsinnaavarput. – Johannesi 17:17. ■



OQALUTTUARTOQ
NORMAND PELLETIER

UKIOQ INUUIA
1954

INUNNGORFIA
CANADA

OQALUTTUARSARTAA
PEQQUSERLUTTOQ,
ANINGAASANOORTARTOQ



Paasivara Jehova nallittuisuullunilu isu- makkeerfiginnittuusoq

INUUNINNI PEREERSUT: Illoqarfiup Montrealip piitsoqarfiani peroriartorpunga. Affarmik ukioqartunga ataataga toquvoq, taamaattumik anaanama angerlarsimaffimmi akisussaaffiit tamaasa isumagisussanngorpai. Qatanngutiginni arfineq-pingasusuni nukarlersaavunga.

Peroriartorninni ikiaroortartunik, aningaasanoortartunik, nakuusertartunik pinerluttunillu peqateqarneq ulluinnarsitugaara. Qulinik ukioqarlunga arnanut atortittartunut iluanaarnipiluttunullu aatsisartunngorpunga. Sallutuujullungalu peqqusersusaarlunga inunnik uukapaatitsisarneq nuannarisarpara. Tamanna uannut ikiaroornartutullusooq ippoq.

14-inik ukioqarlunga inunnik salloqittaallaqqissorujussuuvunga. Assersuutigalugu nalunaaqutaqqat, tajat, assammiullu kuultimik qallikkat amerlasuut pisiareriarlugit 14-inik karaatilittut naqissusertarpakka aqqusinermilu pisiniarfissuillu silataanni biilinut inissiisarfinni tuniniartarlugit. Aningaasarsiupallanneq tiguartissutigaara. Ataasarlunga ullormut 10.000 dollarinik isertitsivunga!

15-inik ukioqarlunga atuarfimmit perorsaasarfimmit anistaagama angerlarsimaffeqanngitsutut inuulerpunga. Aqqusinerni, naatsiiviliarsuarni ilisarimasanniluunniit nalaatsornikkut naapitanni sinittarpunga.

Peqquserlunnernut akuusarama politiinit killisiorneqakulasarpunga. Tillitanik tuniniaaneq ajorama parnaarusaaaneq ajorpunga. Taamaattorli peqquserlunneq, ilumuunngitsunik tuniniaaneq akuersissuteqarnanilu tuniniaaneq pissutigalugit akiliisitaarujussuuartarpunga. Ersigisaqannginnama iluanaarnipiluttut aningaasanik pisassaannik aalliutarpakka. Tamanna ulorianarmat ilaannikkut illuinnarsuuteqartarpunga. Ilaannikkut aqqissuussaasumik pinerlunnermut peqataasarpunga.

BIIBILI INUUNINNIK QANOQ ALLANNGUISSUTIGIGIGA: 17-inik ukioqarlunga Biibili pillugu tusagaqaqqaarpunga. Arnaatiga najugaqatigalugu Jehovah Nalunaajaasuinit Biibilimik atuqaqqissaaqatigineqartalerpoq. Ileqqussanulli tunngatillugu Biibi-

limi killilersuinerit akerlerigakkit qimappara arnarlu alla sammisara inooqatigilerlugu.

Inooqatigilikkamali aamma Jehovah Nalunaajaa-sui atuaqqissaaqatigisalmagit allannguilerpunga. Taanna inuunerminik allannguivoq, saamaneruler-nera naammagittarnerulernalu tupigusuutigaara. Jehovah Nalunaajaasuisa naalagaaffilersaarfiannut qaaqquneqarama akuersivunga. Inunnit ileqqoris-sunit inussiarnersunillu tikilluaqquneqarpunga. Ta-manna sungiusimasannit allaanerulluinnarpoq! Ila-quttannit kissaatigineqartutut misiginngisaannara-ma meeraaninni tunniusimaffigineqanngitsutut asa-neqanngitsutullu misigisarpunga. Jehovah Naluna-aajasuisa qanilaarnerat misigisara pisariaqartilluin-narsimavara. Nalunaajaasut Biibilimik atuaqqissaa-qatigerusummannga ingerlaannaq akuersivunga.

Biibili pillugu ilinniarsimangitsuuguma toqoreer-simassagualarpunga. Aningaasanoornermi akiitsuk-ka, 50.000 dollarit sinnerlugit, akilerniassagakkit na-lunngisakka marluk ilagalugit tillinniarnissaq piler-saarusiorparput. Qujasarpungali tillinniaqataaniar-nanga aalajangerama. Tillinniarnermi aappaa tigu-saavoq aappaalu toqutaalluni.

Biibilimik atuaqqissaartarninni paasiartulerpara qanoq annertutigisumik inuuninni allannguisari-aqarlunga. Assersuutigalugu paasivara Korinthimiu-nut allakkani siullerni 6:10-mi ima allassimasoqar-toq: "Tillittut piumatuulluunniit, imerajuttut mitaa-tillisulluunniit paaasulluunniit Guutip naalagaaf-fia kingornussarsiarissanngilaat." Allassimaffik taan-na atuareerlugu qanoq ajortigisumik inuuneqarlunga paasigakku qullilivunga. Paasivara inooriaasera al-lanngortilluinnartariaqarlugu. (Romamiut 12:2) Na-kuusertarpunga kamajasuullungalu, inuuneralu ta-marmi salluliornermik tunngaveqarpog.

Biibilimilli atuaqqissaartarninni aamma paasivara Jehova nallittuisuullunilu isumakkeerfiginnittuusoq. (Esaja 1:18) Inooriaatsinnik allannguinnissamut iki-oqqullunga Jehova qinunikkut kimigiiserfigeqattaar-para. Ikiuineratigut inooriaatsinnik allannguiartu-aalarpunga. Siumukarniarnitsinni arnatigalu katin-nerput aalajangiisuulluinnarpoq.

24-nik ukioqarlunga katissimallungalu pingasunik meeraqarama pinerluttutut inuujunnaarlunga sulif-fissarsior-tussanngorpunga. Ilinniagaqarpiarnangalu sulisitsisunit innersuunneqarsinnaanngilanga. Aam-



Najoqqutassianik Biibilimeersunik maleruaanera pissutigalugu ullumikkut inuuvunga

maarlunga qamuuna iluunngarlunga Jehovahmut qinoreerlunga suliffissarsiulerpunga. Inuuninnik al-lannguerusunninnik unneqqarillungalu sulerusun-ninnik sulisitsisut oqarfisarpakka. Ilaannikkut Bii-bilimik atuaqqissaartarnera innuttaasuullualerusu-neralu pillugit nassuiaattarpakka. Sulisitsisorpasuit atorfinitsikkusunnngilaannga. Sulisitsisumik oqaloqa-teqarnerma ilaanni inuunerluttuusimanera oqaluttua-reerlugu sulisitsisup pilerpaanga: "Naluara sooq, ki-sianni misigivunga atorfinitsittariaqarlutit." Tamanna qinnutinnut akissutaagunarpoq. Kingornatigut nulia-ralu Jehovahmut tunniulluinnarluta kuisippugut.

QANOQ ILUAQUTIGIGIGA: Najoqqutassianik Biibili-meersunik maleruaanera kristumiutullu inuunera pissutigalugit ullumikkut inuuvunga. Asasannik ila-qutaqarpunga. Jehovahit isumakkeerfigineqarsima-nera qularinnginnakku ilerasuuteqannginnera nuan-naarutigaa.

Ukiuni 14-ini kingullerni inuit Biibilimi ilinniartit-sissutigineqartunik paasinninnissaannut ikiorniarlu-git qaammammut 70 tiimit atorlugit oqaluussisarpu-nga, qanittumilu nuliara aamma taamatut kiffartuler-poq. Ukiut 30-t ingerlaneranni suleqatikka 22-t Jeho-vamik pallorfiginnilernissamut ikiorsimagakkit nu-annaarutigaa. Suli pisiniarfissuarnukartarpunga, maannali inuit iluanaarniarfiginiapilunneq ajorpak-ka. Upperisara pillugu oqaloqatigisarpakka. Silarsu-assami nutaami peqquserluffiunngitsumi inuulernis-samik neriuuteqalersikkusukkakkit saaffigisarpak-ka. – Tussiaat 37:10, 11. ■



“Uanga Guutiusoraasinga?”

JOSEFI taarsiarsaalernerani naatsiivimminiip-poq. Immaqa orpiit daddelequtit, orpiit paarngallit tasinnguillu naasullit isigai, qarmallu akinnguani Faraop illussaarsua takusinnaavaa. Takorlooruk angerlarsimaffimmini pisut, ernermi Manassep nukkani Efraimi illartikkaa, tusaasinnaagai. Nukappiaqqat pilukattut nuliami tissigigai takorloorsinnaavaa. Qungujuppoq. Nalunngilaa Guutimit pilluaqquneqarsimalluni.

Josefip angajulliliani Manassemik, puigormik isumaqartumik, atersimavaa. (1 Mosesi 41:51) Ukiuni kingullerni Guutip pilluaqqussutai angerlarserunnaamissutigalugillu qatanngutiminut ataaminullu kipippallaarunnaamissutigai. Qatanngutaasa imminik uumissuinerat pisutigalugu inuunera allanngorluinnarpoq. Taakua Josefip saassuppaat, toqunnarlugu pilersaarutorput niuertunullu angalasunut inussiatut tunillugu. Taamanimiilli inuunera allanngupilooqattaarpoq. Ukiut aqqaneq-marluk missaanni inussiaallunilu parnaarusaaqqavoq – ilaannikkullu kalunnernut qilersugaasarluni. Maannali Egyptenimi Faraomut, nunarsuarmi pissaaneqarnerpaamut, tullersortaavoq!*

Josefi ukiorpassuarni Jehovap siulittuineratorluinnaq pisoqarnera takuaa. Maanna siulittuutigineqartutut Egyptenimi ukiuni arfineq-marlunni karrit katersorneqartut sinnilissuupput, taakkualu sinneruttut toqqorsivinnut katersorneqarnerat Josefip nakkutilliisuuffigaa. Tamatuma nalaani nuli-

anilu, Asenati, marlunnik erneqarput. Ilaquttanili, ingammik nukkani Benjamini ataartarillu asartik Jaaku, kilometerinik hundredilinnik ungasitsigisumiittut eqqarsaatigikulasarpai. Ajunnginner-sut eqqarsaatigisarunarpaa. Immaqa aamma angajuni nakuuserniartarunnaarsimansut ilaquttanilu eqqisseqatigisinnaanarlugit najoqqilersinnaanarlugillu eqqarsaatigisarunarpaa.

Ilaqutariittut eqqisseqatigiinneri sinnganermi, ilumoorfiginnikkunnaarnermi imaluunniit uumissuinermit akornuserneqarsimappat atukkatit Josefip atugaanut assingupput. Josefip ilaquttaminik isumassuinermini uppernera qanoq ilinniarfigisinnaavarput?

“JOSEFI ORNISSIUK”

Josefi isumagisassarpassuaqarami ukiut ingerlartupallapput. Jehovap Faraomik sinnattortitsine-ratorluinnaq ukiut arfineq-marluk peqangaarfiut kingorna pissutsit allanngorluinnarput. Inerittunik katersugassaqqanngilaq! Tamatuma kinguninngua nunani allani kaannersuaqalerpoq. Biibilmili allassimasutut “Egyptenimi tamarmi inussutissaqarpoq”. (1 Mosesi 41:54) Josefip isumassarsitaalluni siulittuiner aqqissuussillaqqinneralu Egyptenimiut qularnanngitsumik iluaqutigaat.

Egyptenimiut Josefimut akiitsoqartutut misigalutillu aqqissuussillaqqinnera qujamasuutigisimassavaat. Josefilli kissaatigaa tamanna Guutiminut, Jehovamut, ataqqinaataassasoq. Pikkoriffivut Guutimut kiffartornermi maniguulluta atortarutsigit taakkuninnga takorloorsimanngisaannak-katsinnik atuinissarput Guutip isumagisinnaavaa.

* Takuuk *Napasuliaq Alapernaarsuiffik* januaari-februaari 2015-imootumi allaaserisat “Uppersusiat maliguk”.

Piffissap ingerlanerani Egyptenimi kaannersu-aqalerpoq. Faraop Egyptenimiut ikioqqullutik nil-lammata ima akivai: "Josefi ornissiuk, peqqus-sutaalu malillugit ilioritsi!" Josefillu karrinut sin-neruttunut toqqorsiviit ammarmagit inuit pisa-riaqartitaminnik pisisinnaangorput. – 1 Mosesi 41:55, 56.

Nunalli Egyptenip eqqaaniittut karrinut toq-qorsiveqanngillat. Josefip ilaqutai Kana'animi, kilometerinik hundredilinnik ungasitsigisumiit-tut, pissaaleqipput. Jaakup, ukioqqortusisimasup, Egyptenimi karreqartoq tusaramiuk ernini neri-sassanik pisiniaqqullugit aallartippai. – 1 Mosesi 42:1, 2.

Jaakup nukarliliani, Benjamini, angerlarsima-tiinnarlugu ernini qulit aallartippai. Eqqaamal-luinnaramiummi asasani Josefi kisimiitillugu anga-juinut aallartikkamiuk qanoq pisoqartoq. Taama-ni ernini naggammik takuaa. Ernerisa angajulliit

Josefi maniguuttuarami Jehovamit atorneqarsinnaavoq



Josefip ilupaava kusanartog, ataataata asanninne-ranup uppersaataasog, alittornikog aagasattor-lu angerlaappaat. Angut utoqqaq aliasungartoq Josefip nersummit kiisortumit nerineqarsimanera-nik salloqittarpaat. – 1 Mosesi 37:31-35.

JOSEFIP "SINNATTUNI EQQAAVAI"

Jaakup ernerisivisuumik angalareerlutik Egyptenimup pippup. Karrinik pisinissamut periarfis-sat pillugit apersuigamik naalagaaffimmi atorfi-littamut Safenat-Paneamik atilimmup innersuun-neqarput. (1 Mosesi 41:45) Nalunngilaat taan-na Josefiusog? Naamerluinnaq. Taamaallaat ta-kuaat Egyptenimi naalackersuisuusog pissaani-lissuag imminnik ikiuisinnaasog. Ataqqinninner-tik takutinniarlugu pissusissamisoortumik iliuuse-qarput: "Sassarfigaat nunamullu pallorfigalugu." – 1 Mosesi 42:5, 6.

Josefimi? Qatanngutini ingerlaannaq ilisarai. Pallortut takugamig nukappiaraanermini pisut eqqaavai. Biibilimi allassimavoq Josefip meeraallu-ni taakkua imminut pallorumaarnerannik Jehova-mit sinnattortinneqarnini eqqaagaa – massakkul-lu taamatorpiaq pisoqarpoq! (1 Mosesi 37:2, 5-9; 42:7, 9) Josefi qanoq iliussava? Pakkutissavai? Aki-niassavai?

Josefip eqqarsaqqaar-nani iliuuseqartussaana-ni nalunngilaa. Jehovap pisunik maluginiarnartu-nik aqutsinera ersarippoq. Taassumami siunertaata naammassineqarnissaa pineqarpoq. Jaakup kinguaavisa inuiassuanngorumaarnerat Jehovap ne-riorsuutigisimavaa. (1 Mosesi 35:11, 12) Josefip qatanngutai sulit nakuusertarlutillu namminissarsi-ortullu innimittaatsuuppata kinguaajusut atu-garliuutigingaarsinnaavaat. Josefi eqqarsaqqaar-nani iliuuseqarpat ilaqutariittut attaveqaqatigiin-nerannut ajortumik, immaq allaat Jaakup Benja-minillu navianartorsiulernerannik, kinguneqarsin-naavoq. Taakku sulit inuuppat? Josefi qatanngutini misilikmullugit inuttullu qanoq ittuunerat paa-siumallugu kinaassutsini oqaatiginiarnagu aalaja-ngerpoq. Tamatuma kingorna Jehovap qanoq ilior-tinniaaraani paasissagunarpaa.

Ilimanangilaq tamatumunnga assingusu-mik misigisaqarnissat. Silarsuarmili matumani

ilaqutariittut isumaqatigiinnginnerit avissaartuun-
nerillu nalinginnaapput. Taamatut unamminia-
gaqarnitsinni immaqa misigissutsitsinnit aqun-
neqaqqajaasarlutalu eqqarsaqqaarata iliuuseqaa-
qajaasarpugut. Josefimilli ilaarsinissaq pineqartu-
mullu tunngatillugu Guutip uagutsinnut piuma-
saata paasiniaarsaa silatusaarnersaaq. (Ussa-
tit 14:12) Eqqaamassavat ilaqtanik eqqisseqa-
teqarneq pingaaruteqartoq, Jehovamilli erneranil-
lu eqqisseqateqarneq pingaaruteqarnerujussuu-
voq. – Matthæusi 10:37.

“MISILINNEQASSAASI”

Josefip qatanngutini qanoq uummammioqar-
nersut paasiniaarlugu arlalitsigut misilippai. Siul-
lermik oqalutseqarluni alapernaarsuisuunerarl-
git unnerluutiginerisigut sukannersumik oqaluup-
pai. Qatanngutai imminnut illersorniarlutik ila-
quttatik pillugit, ilaatigut nukarlersap suli ataata-
mini najugaqarneranik, oqaluttuarput. Josefip kil-
litsingaarnini takutinnaveersaarpaa. Ilumut nukaa
suli inuua? Maanna Josefip sussanerluni nalunngi-
laa. Ima oqarpoq: “Misilinneqassaasi,” oqarfigaalu
nukarlersaat takorusullugu. Arlartik ataaseq tigu-
satut Egyptenimiiginnarnissaa akuersinnaappas-
suk nukarlersartik aajumallugu angerlarnissaat Jo-
sefip akueraa. – 1 Mosesi 42:9-20.

Qatanngutigiit Josefip paasisinnaagaatik nalul-
lugu piumasaqaataa eqqartoramikku ukiut 20-t ta-
matuma sioqqullugu ajortuliorujussuarsimanertik
nassuerutigaat. Ima oqarput: “Ilumummi qatan-
ngutitsinnut iliornerput pillugu pisassarpup pi-
nialerparput, naalliungaarnernini naakkigeqqul-
luni qinnuigigaluaraatigut tusarumanginnatsigu.
Tamanna pillugu taama annikillioertitaalerpugut.”
Oqaaserisaat paasigamigit qullilini takunnginni-
assammassuk Josefi allamut saapallappoq. (1 Mo-
sesi 42:21-24) Nalunngilaali ilumoorluni allamik
isumataarneq ajortumik iliornerup kingunerisaa-
nik peqqissimissutiginninnermit annerusoq. Taa-
maattumik taakkuninnga misiliinini ingerlatiin-
narpaa.

Angerlartippai, Simmiuulli tigusatut tigungmi-
gallarlugu. Aamma nalusaannik aningaasat puu-
nut nassataannut ilineqarnissaat isumagaa. Qa-

tanngutigiit angerlaramik Benjamini ilagalugu
Egypteniliarnissaminik Jaaku uteriiserfigereer-
lugu naggataatigut akuersitippaat. Egyptenimut
pigamik isertuaratik Josefip angerlarsimaffiani pi-
sortaasoq aningaasat nassaatik pillugit oqalut-
tuuppaat aningaasallu tamaasa utertinnissaannik
neqeroorfigalugu. Taamaaliornertat nersornarpoq,
Josefilli qanorpiaq ittuunerat paaserusuppaa. Ne-
rersuaqatigai, tamatumalu nalaani Benjaminip ta-
kunerata killitsissutiginera isertorumaatsippaa.
Tamatuma kingorna nerisassanik naammattunik
nassartillugit angerlamut aallartippai, tamatumuu-
nali ermuseq sölviusoq Benjaminip puanut toq-
qorpaa. – 1 Mosesi 42:26-44:2.

Taava Josefip naggammik misilippai. Qatan-
ngutini malersortillugillu ermutsimik sölviusumik
tillissimasutut unnerluutigalugit tigusarai. Ermu-
seq Benjaminip puuaniittoq nassaarineqarmat qat-
tanngutigiit tamarmik Josefimut utertinneqarput.
Maanna Josefip qatanngutini qanoq ittuunersut
paasisinnaalerpaa. Juda qatanngutini sinnerlugit
oqaaseqartartuuvoq. Josefi nallittueqqullugu oqar-
figaa allaallu qatanngutigiit aqqanillit tamar-
mik Egyptenimi inussianngorsinnaanerannik ne-
qeroorluni. Josefi oqarpoq Benjamini kisimi inus-
siatut Egyptenimiiginnassasoq sinnerilu aallassa-
sut. – 1 Mosesi 44:2-17.

Tamanna Judap killitsinnartumik ima oqaa-
seqarnissaminut kajumississutigaa: “Anaani
toqummat taanna kiserngoruppoq, ataataatalu
asavaa.” Oqaasii Josefip killitsissutigisimassa-
vai, Jaakummi nuliata asasaata Rakelip, Benja-
minimik erninermini toqusup, Josefi angajullili-
araa. Josefip, ataamisut, Rakeli nuannersumik
eqqaamasarpaa. Immaqa tamanna pissutigalugu
Josefip Benjamini asaneruaa. – 1 Mosesi 35:18-20;
44:20.

Judap Josefi Benjaminimik inussianngortitse-
qunagu kimigiiserfiguarpaa. Allaat Benjamini sin-
nerlugu inussianngornissani neqeroorutigaa. Taa-
va iluunngarluni ima oqarfigaa: “Saperluinnar-
punga ataatanut angerlassallunga nukappia-
raq taanna ilaginagu. Ataataama perlussiortitaanis-
saa takussallugu artorpara.” (1 Mosesi 44:18-34) Ta-
manna allanngorsimaneranut uppersaataallu-



Josefip qatanngutini peqqissimisut takuaa

arpoq. Peqqissiminini ersersiinnarnagu allaat uagutsinnut maligassaalluartumik misigeqatiginnit-tuunini, namminissarsiunngitsuunini misiginne-qataaninilu ersersippaa.

Josefi sapilerpoq. Misigissutsini nunusinnaa-junnaarpai. Kiffani aniseriarlugit nipituumik qis-saserpoq allaat Faraop illussaarsuanit tusaaneqar-sinnaasumik. Taava ima nassuerpoq: “Uanga Jo-sefiuvunga, qatanngutersi.” Qatanngutini tupa-qasut pakkuppai imminullu iliuuserisimasaat pil-lugit asannilluni isumakkeerfigalugit. (1 Mose-si 45:1-15) Taamaasilluni Jehovap isumakkeerfi-ginnikkumasarnera ersersippaa. (Tussiaat 86:5) Uaguttaaq taamaaliortarpugut?

‘SULI INUUVUTIT’

Josefip angerlarsimaffiani pisimasut tamaasa Faraop tusaramigit Josefi kajumissaarpaa ataatani utoqqalisimasooq ilaqtutanilu tamaasa Egypteni-mut nuunnissaannik neqeroorfigeqqullugit. Tama-tuma kingorna Josefip ataatani asasani najoqqiler-paa. Jaaku qialluni ima oqarpoq: “Tassa toqusin-naalerpunga! Kiinnat takullugu uppersarsigakku suli inuusutit.” – 1 Mosesi 45:16-28; 46:29, 30.

Jaaku ukiuni 17-ini Egyptenimi najugaqarpoq. Toqunnginnermini ernini aqqaneq-marluk siulit-tuutaasumik pilluaqquai. Marloraammik kingor-nussisinnaaneq, nalinginnaasumik angajulliusu-

mut pissaritinneqartartoq, Josefimut nukarliup tullianut tunniuppaa. Israelip naggueqatigiissor-tai marluk tassannga aallaaveqassapput. Taava-mi Juda, ernermi sisamaat, allamik isumataar-nermigut qatanngutiminit maligassaalluarneru-soq? Pilluaqquneqangaarpoq: Missiarsi taassuma kinguaavinit saqqummissaa! – Mosesimik allak-kat siulliit, kapitali 48 aamma 49.

Jaaku 147-nik ukioqarluni toqummat erneri-sa qatanngutiminnit Josefimit pissaaneqaqisu-mit akiniarneqassasoralutik ernumalerput. Josefi-li asannilluni akillugit oqaaseqarfagai. Aallaq-qaammulli oqarfigisarsimavai ilaqtuariit Egypteni-mut nuunnissaat Jehovap isumagisarimmagu im-minut pisuutikkunnaassasut. Maanna maluginiar-nartumik ima aperai: “Uanga Guutiusoraasinga?” (1 Mosesi 15:13; 45:7, 8; 50:15-21) Josefip paa-sivaa Jehova Eqqartuussisuusooq naammalluinnar-toq. Josefi kinaagami Jehovap isumakkeerfigisaa-nik pillaasinnaasooq? – Hebraeerit 10:30.

Isumakkeerfiginninnissat sapernartittarpiuk? Ingammik piaaralutik ajualletsisisimasut isumak-keerfiginnissat sapernarsinnaavoq. Ilumoorlutili peqqissimisut uummammit pisumik isumakkeer-figigutsigit allanut uagutsinnullu aliasuutit ikitut ittut mamitissavavut. Josefilla uppersnera Ataataa-talu, Jehovap, nallittuineramik maligassiuilluarnera ilaassavavut. ■



QITORNATIT GUUTIMIK ASANNINNERMIK
ILINNIARTITTARPIGIT?



Atuakkami uani
kapitali 14 takuuk,
Jehovap Nalunaa-
jaasuinit saqqum-
mersinneqartoq

Aamma uani
atuarneqarsinnaavoq:
www.jw.org

**Atuagaq Biibilimi sorpiaat
ajoqersuutigineqarpas? perusuppara**

SUMIUTUT _____

ATEQ _____

NAJUGAQ _____

Nassiussiffissaq qupperneq 2-miippoq

APEQQUTIT BIIBILIMI AKINEQARTUT

Angajoqqaajulluarneq qanoq paasisariaqarpa?

Angajoqqaat imminnut ataqqillutillu asappata qitor-
naasut nuannersumik avatangiiseqarlutik peroriar-
torsinnaapput. (Kolossemiut 3:14, 19) Jehovap Guu-
tip ernerminik nersualaarisarneratut angajoqqaajullu-
artut qitornatik asallugillu nersualaartarpaat. – **Mat-
thæusi 3:17** atuaruk.

Ataatatta qilammiusup kiffani tusarnaartarpai taak-
kualu misigissusaat eqqumaffigalugit. Angajoqqaat
taanna ilinniarfigisariaqarpaat qitornatillu tusarnaarta-
riaqarlugit. (Jaaku 1:19) Qitornamik misigissusaat aku-
eriuminaakkaluarpataluunniit angajoqqaat sumigin-
nartussaannigilaat. – **4 Mosesi 11:11, 15** atuakkit.

Qanoq ilillutit qitornatit akisussaas- susermik ilinniartissinnaavigit?

Angajoqqaajusutut killilersuinissamut oqartussaassu-
seqarpusi. (Efesosimiut 6:1) Guutip maligassiaa ilin-
niarfigiuk. Taanna paatsuugassaanngitsunik maleru-
agassaliornermigut taakkuninngalu unioqqutitsinerup
qanoq kingunerluttarneranik nassuiaanermigut qitor-
naminik asanninnini ersersittarpaa. (1 Mosesi 3:3)
Inuilli pinngitsaaliinikkut naalaqqunagit eqqortuliorne-
rup iluaqutissartaanik ilinniartippai. – **Esaja 48:18, 19**
atuakkit.

Qitornavit Guutimik asannilernissaannik ikiornissaat
anguniagariuk. Taamaalioruit allaat kisimiinnermin-
ni silatusaartumik aalajangiisalissapput. Guutip ma-
ligassiuinermigut ilinniartitsisarneratut qitornatit *mali-
gassiuinikkut* Guutimik asanninnermik ilinniartikkrit.
– **5 Mosesi 6:5-7; Efesosimiut 4:32; 5:1** atuakkit.

BIIBILIMUT TUNNGASUT ALLAT
NITTARTAKKAMI ATUAKKIT



 Atuagassiaq una
allallu akeqanngit-
sumik downloader-
neqarsinnaapput



Biibili nittartakkatsinni
oqaatsini 100-nit
amerlanerusuni
atuarneqarsinnaavoq

www.jw.org
alakkaruk,
imaluunniit
una scanneruk



wp15 07/01-GL
150330